

OFFERIMVS TIBI CANDIDE LECTOR
elegantissimam Babyloniorum vrbis arcisq; descriptio.
nem, in quam legendis Dureri præceptis tædii
subleuādi causa subinde quasi in amœ-
num pratum digredere.



æterum ipsius vrbis pulchritudo ac vetustas nō regis modo, sed etiam omniū oculos in semet haud immeritò conuertit. Semiramis eam cō dididerat, vel (vt plerique credidere) Belus, cuius regia ostenditur. Murus instructus laterculo coctili: bitumine interlitus. Spaciū. xxx. & duorum pedum latitudinem amplectitur: quadrigæ inter se occurrentes si- ne periculo commeare dicuntur. Altitudo muri. c. cubitorum eminet spatio. Turres denis pedibus quā murus altiores sunt. Totius operis ábitus. ccclxviii stadia complectitur, singulorum stadiorum structuram singulis diebus perfe-ctam esse memoriæ proditum est. Aedificia nō sunt admota muris, sed fere spa-tium vnius iugeris absunt. Ac ne totam quidem vrbem tectis occupauerūt, per xc. stadia habitabatur, nec omnia cōtinua sunt, credo quia tutius visum est plu-ribus locis spargi. Cætera serunt colūntq; , vt si externa vis ingruat, obfessis ali-menta ex ipsius vrbis solo subministrent. Euphrates interfluit, magnæq; molis crepidinibus coercetur. Sed omnium operum magnitudinem circumueniunt cauernæ ingentes, in altitudinem pressæ, ad accipiendum impetum fluminis, quod vbi appositæ crepidinis fastigiū excessit, vrbis tecta corriperet, nisi essent specus lacusq; qui excipirent. Coctili laterculo structi sunt, totum opus bitumi-ne astringitur. Pons lapideus flumini impositus, iungit vrbem: hic quoq; inter mirabilia Orientis opera numeratus est, quippe Euphrates altum limū vehit, quo penitus ad fundamenta iacienda egesto, vix sufficiendo operi firmum re-periunt solum. Harenæ autem subinde cumulatæ, & saxis quibus pons sustine-tur, annexæ morantur amnem, qui retetus acrius, quam si libero cursu mearet, illiditur. Arcem quoq; ambitu. xx. stadia complexā habent. xxx. pedes in terrā turriū fundamēta demissa sunt, ad lxxx summū munimēti fastigium peruenit. Super arce vulgatum Græcorum fabulis miraculū, pensiles horti sunt, summā murorum altitudinem equantes multarumq; arborum umbra & proceritate amœni. Saxo Pylę, que totum onus sustinent, instructę sunt. Super Pylas, lapi-de quadrato solum stratum est, patiens terræ, quā altā iniiciūt & humoris, quo rigant terras, adeoq; validas arbores sustinent moles, vt stipites earum. viii. cu-bitorum spatium crassitudine equent in. 50. pedū altitudinem emineant, & fru-giferę sint, ac si terra sua alerentur. Et cum vetustas non opera solum manu facta, sed etiam ipsam naturam paulatim exedendo perimat, hęc moles, quę tot arborū radicibus premitur, tantiq; nemoris pondere onerata est, inuiolata du-rat, quippe. xx. lati parietes sustinent. xi. pedum interuallo distantes, vt procul visentibus sylue motibus suis imminere videantur.

